

《中國地方志薈萃》編委會 編

中國地方志薈萃

中南卷·第一輯 裝

中國地方志薈萃

中南卷·第一輯

柒

《中國地方志薈萃》編委會
編



九州出版社
JIUZHOU PRESS

全國百佳圖書出版單位

嘉慶安化縣志（三）

出版說明

嘉慶安化縣志（三）

（清）周文重修 雷聲 陶澍纂

四都

人物

謝子碩字元嗣貢生居心忠實接人溫和學深養邃
啟廸生徒殷勤不倦後授澧州訓導子有主孫三輔
俱痒生

謝子其字琢新天性沉毅才識過人憐貧恤寡造橋
梁修家乘鄉人德之子有哲庠生孫三美國學

謝鰲字月書幼聰穎能文章屢列前茅未售至老壯
志不衰傳家以詩書孝友後裔皆循循雅飭

龔洪明成化貢生任浙江海寧主簿清慎自矢吏民

德之

龔繼富字楚材賦性剛正仗義輕財遇鄉里紛爭事不避勢力必爲剖解以求其是人亦莫不帖服曾三

建宗祠再修松竹寺居暇勤耕課讀示子孫無忘

本業

龔繼華字祝三少負才華屢試朱售曾與孝廉鄧天人共修學宮等務矢公矢慎不憚辛勤遇有紳士必款留終日極盡其歡疾惡如讐從善如流臨終時囑其子曰我一生行事祇平心耳當常識之

彭正儀醇正友愛無疾言遽色雖遇卑賤必待以禮又善醫術以濟人毫不索謝妻鄧氏亦賢淑可嘉儀

年八十九鄧氏年八十七未踰月相繼而終

彭海鰲父沒後凡事必諮於兄友恭至老不衰訓課子姪以耕讀爲本妻唐氏亦能盡孝順勉有亡克盡婦道

龔勝凡性誠樸兄弟分析家產惟取山土一所餘俱讓與兄弟與妻朱氏操作勤苦家計日裕卒年八十

五

龔侯性剛正氣豪爽幼工文藝善歐書屢列前茅未售居親喪遵行文公家禮廬墓三年且不吝施與不畏權勢訓課子弟皆成立沒後常降乩判人禍福不

爽

龔啟書字步宛圭溪人幼聰穎通經史屢困童試課子弟以醇正爲宗性孝友事繼母奉諸兄誠款無僞待子姪恩威並至年八十卒

龔嵩友性聰慧博涉羣書作文自成一家言屢躋於童試中退而訓課子姪率以淹洽爲宗并督修蟬聯塔矢公矢慎人欽服之

龔翰立恢廓有志國初首倡大義凡一應軍需糧貲爲眾人先尤勸諭諸色人等縣憲葉曾賜義士額以表之

鄧大錡字足三青雲人貢生善事二人友于兄弟課耕讀負耒橫經好解推捐貲成美歲歉與弟

魁五附貢減價糶穀貧不計償子姪九人皆拾芹藻其下孫輩列監遊庠人皆曰鄧門宜碩大有積德焉龔啟章字珩友果毅沉靜讀書每得間縣試冠軍未售後設教子弟苟成就者衆見之者莫不悚然整肅子時叙國學生

龔時周字規中少有文名後精岐黃以救濟爲心不索人謝鄉里德之

龔時叙字徽典國學生性簡靜經書融貫屢躋棘闈

且廉正自持不吝施與年七十一

龔啟瑜字瑾懷讀書不安小就雖未遇時而志量極超卓年老猶爲時藝以訓子姪且慷慨自負遇事不稍畏縮子廷訓庠生年八十九歲

龔啟璞字成英公正自持匪類見之卽遠避訓子最嚴妻彭氏相夫和順年俱八十而終

鄧士譽字遠彰蠶溪庠生持已端嚴居心寬裕和宗睦族恤寡憐貧修道架架解紛排難歷年七十有四子耀祖孫萬卷補增賜耆克光門戶一庭父子弗替前休曾孫濂補邑廩膳生

鄧萬善字性魁蠶溪人國學生性醇品力貨樸勤儉
敦倫飭紀重道崇儒好施與睦宗族歷年七十二子
濟列邑庠

鄧如旦字漢臣吏員潺溪坪人康熙年間歲歉施穀
三百石周濟鄰里後有償者則曰余給穀時原不計
此何以償爲子二添星魁庠優生孫曾大經及龍延
峻延光俱國學文鑑魁庠生歷年八十有五

鄧添星字聚英潺溪坪人魁庠優生嫡庶二母侍奉
無異待庶弟亦友愛子孫列膠庠者累代不衰

鄧大經字學六國學生田庄溪人幼失怙友愛諸弟

憐貧濟困有賊入其家匿于倉下家人欲縛之加以
刑經禁止之與以飲食貲財婉言勸誡後其人更改
前非感戴不忘子二龍孫延峻俱國學生年七十卒
鄧大綱字領三田庄溪人端方正直樂善好施歲歉
周貧乏以粥飯年登八十

鄧龍字耀羣國學生田庄溪人正已率人捐貲成美
和鄉里睦宗族六十而卒

鄧士侗字振羣田庄溪人存心仁厚施地一所俾死
無依歸者安厝之修道路橋梁慷慨不吝人咸德之
鄧一韓字二奇庠生明末逆兵潰亂韓正色不懼率

子弟講學不休兵日此理學人也遂去里黨俱賴保全之

鄧如儒字汝爲公直端正邑侯賜以型方訓俗孝友一堂額年九十卒胞弟汝桂國學姪孫大魁魁榜庠生子四添托來籌俱年逾八十耆員添復現年九十五鄉里稱爲一門壽考

鄧大邦字新周泉水塘人品行端方好施樂義孝友傳家子孫榮盛歷年八十

鄧士援字勝和白羊塘人襟懷高曠處事剛毅無謀利徇私之情人咸重之

鄧大見字渭思田庄溪人莊重持已和平接人出言
有章處事不苟歷年七十

鄧大藩字介人泉水塘人質性渾厚勤儉可風紛華
不擾歷年七十有一

鄧士材字巨勝潺溪坪人心存仁愛事仗大義孝友
裕後子延河國學生孫萬鑑庠生

鄧長士字權輿潺溪坪人公正持已慷慨接物不務
虛名挾厚實歷年七十

鄧大閱字其三潺溪坪人器量寬宏是非不校儉以
節用隆以欵師孫延魁國學生延拔職員歷年八十

五都

人物

賀世章邑庠生學問淹博著有易經爻詞卦義

夏重嶽孝順雙親年近六旬父母壽登八十定省問視必親二子請代弗許

夏廷輝少失怙恃性友愛攜兩弟徙居完娶不避艱辛弟偶參商輒悶坐涕泣閉戶自搥弟欲分居產業關書命其隨意分寫毫不爭執每有嘉穀旨酒必呼弟共嘗弟感之克諧孫聲邑庠生

夏大閑號東園喜施濟每夏設醴以給行路諺傳頌

之日誰家不乏六月酒唯夏東園家內有

夏崇易獵書史喜吟咏修譜睦族卒年九十有六

胡紹箕孝友簡重教育多方開鹿角寨險道修高隴

磯緯路其餘病跋涉處賴其竭力經營不可勝紀

胡俊卿有經濟才康熙年間勻團均甲勤勞公務當

事亟嘉獎之

夏崇玉字公元家法森嚴解推不吝下逮後昆猶享其利

胡克賢慈祥樂易修建橋路不一行旅便之

劉勳元字鼎銘慷慨樂善於垵頭橋豎碑一誌施茶

田一誌墓田一誌捐家塾田三誌皆自製詩句不悉錄詳碑長少子入黌宮

劉希高好義嗜書創立家塾田塘給邑庠萬俊後嗣道繼志者轉以此田塘付之其孫正臣豎碑鐫名獎勵後學

饒克聖孝友視躬耿介不苟子孫奉其遺訓忠厚勤儉鄉里咸稱頌之

鄧倫一節儉勤謹不染紛華壽屆九十鄰里服其長厚子孫遵其遺訓

劉月皆剛直果決人有爭端一言卽釋遠近服之